


পোয়া-মাইয়া অলর লাই বাইবেল

যা প্রকাশ গইজে



অত্যাচারীত  
পচারক



যে লেইক্কে: Edward Hughes

যে ছবি আইক্কে: Janie Forest  
Alastair Paterson

যে সম্পাদন গইজে: Ruth Klassen


যে অনুবাদ গইজে: Arpan Dey

যে পরিচালনা গইজে: Bible for Children  
[www.M1914.org](http://www.M1914.org)

©2024 Bible for Children, Inc.

বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার, ইলেকট্রনিকস,  
রেকর্ড গরিবার আর ছবছ লেখিবার অনুমতি দন গেইয়ে।

1




মডলীর শুরুৰ সমত, ঈশ্বর তার  
সেবাকারী অলর মইখে দিয়েরে বউত  
মহত কাম গইজে। ফিলিপ নামর  
একজন মানুষ একখান শতরত বউত

মাইনস্যর কাছে যীশুর  
বিষয়লইয়েরে পচার গরনত  
ব্যস্থ আইয়ে। কিন্তু ঈশ্বর তারে  
মরুভূমিত পাঠাইয়ে। কি কারনে?


2

ঈশ্বরে যানে এই রাস্তা দিয়ে একজন যার, ইতোপিয়াদেশের রানির একজন কর্মচারী। ও তার ঘরত ফিরিবার সমত উঙ্গা বিশেষ বই পরের। কি মনগরন কিয়র বই পরের?




3

ফিলিপ যহন ঈশ্বরের বাইদ্যা আইয়ে, ঈশ্বরে সোজা ঐ কর্মচারির কাছে লইগিয়ে, যে ঈশ্বরের বাক্য পরের কিন্তু নবুঝের। ও ফিলিপরে একসঙ্গে পইরত ডাইকো।



4

“ইয়ানর মানে কি?” ঐ কর্মচারী ফিলিপরে জিঙ্গায়ো। রথ যহন মরুভূমির মাবাদি দুরের, ফিলিপ তার মুখ খুলিয়েরে, ঐ বইয়েরতুন যীশুর বিষয়ে পচার গরা শুরু গইজে।



5

আফ্রিকার এই বিচারক সঙ্গে সঙ্গে বাইবেলের এই বিষয় বিশ্বাস গইজে, যে যীশুই ঈশ্বরের পুত্র। কিছু পানি দেখিয়েরে কই উট্টো, “আর বাপ্তিস্ম লইতে আর বাধা কিয়র?”




6

তারপরে ফিলিপে কইয়ে, “তুই যদি তোয়ার সম্পূর্ণ হৃদয় দিয়েরে বিশ্বাস গরি থাগ তইলি লইত পারা।” ঐ কর্মচারীয়ে যহন কইয়ে, “আই বিশ্বাস গরি যীশু খ্রীষ্টই ঈশ্বরের পুত্র,” ফিলিপে ওনারে পানিত নিয়েরে অবগাহন দিয়ে।




7

পানিরতুন উডি আইয়নর পরে, ঈশ্বরের আত্মা আইয়েরে ফিলিপরে লইগিঐ, ঐ আফ্রিকান কর্মচারী ওনারে আর নদেখো। ও আনন্দর সঙ্গে ইথোপিয়াত ফিরিগিয়ে।




8

কিন্তু কিছু মানুষ খ্রীষ্টান অলরে ঘৃনা গরেরা ইস্টিফানঅ ফিলিপর একজন বন্ধু, যারে কিছু উগ্র মাইনসে খুনগইজে যারা নচায় যীশুর বিষয়ে পচার গরকা। তাশশঅরর শৌল নামর একজন মানুষ, যে ইস্টিফানরে খুনগইরত্ত সহযোগিতা গইজে। শৌল খ্রীষ্টান অলরে ঘৃনা গরো।




9

শৌল, খ্রীষ্টান অলরে চাবুগ মারিবার আর খুনগরিবার লাই, পধান পুরোহিতর কাছে যাইয়েরে অনুমতি পাইয়ে যে কঅনঅ পুরুষ অউগ, মহিলা অউগ যারা যীশুর অনুসরন গরিব ইতারারে বন্ধি গরিবার।




10

তাশ শঅরর এইশৌল! বুঝিত নপারে যে আসলে ও যহন ঈশ্বরর মানুষর উপরে আগাত গরের, ও আসলে সয়ং প্রভু যীশুরে অত্যাচার গরের। ঈশ্বরতুন শৌলরে থামা পরিবা। কিন্তু কেন গরিয়েরে?




11

ঈশ্বরে শৌলরে “বন্ধী” গইজে! শৌল যহন দামন্ধ শঅরর রাহুদিয়েরে যার, ঈশ্বরর স্বর্গরত্ত একবিরাট আলো দিয়ে। শৌল মাডিত পরিগিয়ে। তারপরে ও উঙ্গা গলার শব্দ উম্যো।




12

শৌলর সঙ্গে যারা আছিল ইতারঅ এই শব্দ উম্যে কিন্তু কনকিয়রে নদেখে। শৌল মাডিরতুন উটে – কিন্তু কিছুই নদেখের আধা! তারা তারে দামেঙ্কত লইগিয়ে।



13

“অনে কঅন প্রভু?” কইয়েরে শৌলে কাদি উটে। “আই যীশু, যারে তুই অত্যাচার গরর।” ডরেডরে, কাবিকাবিয়েরে শৌল জিঙ্গার, “প্রভু অনে কি চঅন, আই কি গইজ্জম?” তারপরে প্রভু তারে কইয়ে, “উডিয়েরে শঅরর ভিররে যঅ, তারপরে তোয়ারে কইব তোয়ার কি গরাপরিবা”




14

শঅরর মইধ্যে তিনদিন ধরিয়েরে,  
শৌল আধা অইয়েরে রইয়ে, খানা,  
পানি কিছুই নহায়। ও যীশুর কাছে  
পার্থনা গরিয়েরে সময় কাডাইয়ে  
যে দামেক্কর রাস্তাত দেখাদিলা।




15

ঈশ্বরর বিয়াঙ্গিনর পরিকল্পনা গরা আছে। দামেক্কত,  
অননিয় নামর একজন শিষ্য আছিল। ঈশ্বর তারে  
শৌলরে সাইজ্য গইরত পাঠাইয়ে। অননিয়  
ডরাইয়ে। কিন্তু ঈশ্বরর বাইদ্য অইয়ে।  
ওশৌলর উবর আত রাহনর পরে,  
আবার দেখের – শৌল ঈশ্বরর  
পবিত্র আত্মায় পূর্ণ অইয়ে।




16

শৌল অবগাহন লইয়ে।  
তারপরে ও খানা খাইয়ে।  
খানা হনর পরে ও শক্তিফিরি  
পাইয়ে। শৌলর শক্তি দরকার  
আছে। তার বিশেষ কিছু কাজ  
গরনর আছে।




17

সঙ্গে সঙ্গে শৌল ধর্ম সভাত যাইয়েরে খ্রীষ্টর বিষয়ে  
পচার শুরু গইজে যে যীশুই ঈশ্বরর পুত্র। তহন  
মানুষ বেয়াঙ্গুন অবাগ অইগিয়েরে কোয়াকই  
গরের, ইবাই ননে খ্রীষ্টান অলরে ধংশ গইরত  
চাইয়ে আর কিয় কিয় শৌলরে মারি  
ফেলাইত চাইয়ে।



18



শৌলর নোয়া শক্রঅলে শঅরর মেইন  
গেইডত পারা বোয়াইয়ে, শৌল বাইর  
অইবার সমত মারিফেলাইবা। কিন্তু তার  
নোয়া খ্রীষ্টান বন্ধু অলে রাতিয়া ডঅর  
মিখ্যা উঙ্গা খাচাত গরিয়েরে শঅরর  
দেয়ালর উবরদ্ধি গরিয়েরে লামাইদিয়ে।  
এরপরে অইতি, শৌল যে আগে খ্রীষ্টান  
অলরে অত্যাচার গইরত আর এখন  
তাঁর নোয় ঈশ্বর, প্রভু যীশু খ্রীষ্টর  
একজন বিশ্বস্থ অনুসারী অইয়ে।

19

অত্যাচারীত পচারক

ঈশ্বরর বাইক্য পবিত্র বাইবেলের তুন গল্পওয়া লওয়া অইয়ে

গল্প ইবার মইদ্যে আছে দে

প্রেরিত ৮-৯

“তোঁয়ার বাইক্যই আঁর জীবনর আলোর কেবার (দরজা)।”

গীতসংহিতা ১১৯:১৩০ পদ

20

শেষ

58



60

21

এই বাইবেলের কাহিনী ইবা যে, আরারে তৈয়ার গইরগে এবং তিনি চান যেন আরা তাঁরে জানি আরার সেই চমৎকার ঈশ্বরের ব্যাপারে আরারে কয়।

ঈশ্বর জানে যে, আরা খারাপ খারাপ কাম গইরগি যিবারে ঈশ্বর পাপ কয়। পাপর শান্তি মরণ কিন্তু ঈশ্বর আরারে বেশী ভালবাসে। তিনি তাঁর অন্তো পোয়া যীশুরে আরার পাপর লাই ক্রুশত মরিবারলাই আর শান্তি পাইবার লাই পাঠাই দিইল। পরদি যীশু মরনরতুন জেয়াতা হইয়েনে স্বর্গর মধ্যে যে, ঘর আছে এডে ফিরি গেইয়ে। যদি অনে যীশুরে বিশ্বাস গরণ আর অনর পাপর লাই তাঁর কাছে মাফ চন তইলে তিনি মাফ গরি দিব। তিনি এহন আইয়েরে আরার মধ্যে থাকিব আর অনেও তাঁর মধ্যে আজীবন থাইবেন।

যদি অনে বিশ্বাস গরণ যে ইবা হাঁসা তইলে ঈশ্বরের কাছে এই প্রার্থনাওয়া গরণ:  
প্রিয়া যীশু, আই বিশ্বাস গরি দে, তুঁই ঈশ্বর আর আরার পাপর লাই মরিবার লাই মানুষ হইয়েনে জন্মগ্রহণ গইরজুইন। আর এহন তুঁই আবার জীবিত আছন। দয়া গরি আর জীবনত আইয়ো আর আর পাপ ক্ষমা গর যেন, আই এহনতুন নওয়া জীবন পাইত পারি আর এক দিন হরাজীবন তোয়ার অংগে থাইকতো যাইত পারি। আরে সাহায্য গর যেন, তোয়ার আদেশ মানিত পারি। আর তোয়ার পোয়া হইয়েনে তোয়ার লাই জীবন কাটাইত পারি।

বাইবেল পড়ন আর পোক্তকদিন ঈশ্বরের অংগে কথা কন (যোহন ৩:১৬)।

22